



Inatsisartunut ilaasortaq Esmar Bergstrøm
Demokraatit

Pineqartoq: Allakkatigut naalakkersuisunut apeqquteqaat ikiuigasuarneq pillugu

Matumuuna nassiunneqarpoq Inatsisartut Suleriaasianni § 36, imm. 1 naapertorlugu allakkatigut apeqquteqaatigisavit akissutaat

Naalakkersuisunut apeqqut siulleq: Kommuunit kontomiit 30.14.17-miit, ikiuigasuarneq ikiuigasuarneq upalungaarsimaneq, aningaasatigut ikiorneqarsinnaanissaannut Naalakkersuisut sunik aalajangiinermi tunngavissanik piumasaqarpas?

Akissut: Ikiuigasuartoqarsinnaavoq imatut pisoqarsimatillugu. Toqutsisoqartillugu, imminortoqartillugu, ikuallarujuusuartoqartillugu, toqumik kingunilimmik ajutoortoqartillugu, inummik/-nik tammartoqartillugu, annertunerusunik ajutoortoqartillugu meeqqanillu kinguaassiutitigut atonerluisoqarsimatillugu. Ikiuigasuarneq Qitiusumik Upalungaarsimaneq ikiortigineqassappat kommunip attugaasup suleriaaseq aalajangersimasoq malitassaraa. Kommunip Ikiuigasuarneq Qitiusumik Upalungaarsimaneq kalerrissavaa pisullu ingerlarnaga nassuiaatigissallugu, inuit qanoq amerlatigisut ikiortariaqarnersut aammalu eqqugaasumut ilaqutaasut qaninnerpaat aqqisa allattorsimaffiat kiisalu pisumik takunnissimasut aqqisa allattorsimaffiat ingerlateqqissallugu. Tamatuma saniatigut kommunip suliakkiisup pisariillisaasutissat isumagissavai assersuutigalugu inuit oqaloqatiginniffiusussat inissaqartitsiffiusussallu naammassineqareersimanersut. Tamatuma saniatigut ikiuigasuarneq najoqqutassanik sukumiisunik soqanngilaq. Kontomi siunertarineqarpoq qitiusumiit kommuninut namminneq sulisoqarnikut naammaginartumik ikiuigasuarneq nukissaqanngitsunut ikiuigasuarneq.

Naalakkersuisunut apeqqutit aappaat: Ikiuigasuarneq nalaani Naalakkersuisut ikiuinerat ikiorsiinerallu pillugu, qaqugu kommuuninut paasisutissiissutaajumaarpa?

2002-mi februarip qaammataani Kalaallit Nunaanni kommunit, qimarnguiit, Politeeqarfiit, Napparsimmaaveqarfiit, Palaseqarfiit atuarfiillu tamarmik ikiuigasuarneq pillugu pappiaraatinik nassiussuunneqarput. Pappiaraatini nassiussuutani erseqqissumik allassimavoq qanoq nalaataqarsimasunut ikiuigasuartoqarsinnaasoq. Ajoraluartumik kommunit tamakkerlutik pappiaraatit paasisutissat piunerannik iluamik paasisimasaqarpasinnigillat. Ilaqtariinnermut Pisortaqrarfiup oqar-

15.06.2006
J.nr. 01.20.06

Postboks 260
3900 Nuuk
Oq/tel +299 34 50 00
Fax +299 32 45 47
ilapi@gh.gl
www.nanoq.gl/ilapi

tussaasunut attugaasunut pappiaraatit paasissutissat nassiuteqqinniarpai ikiuiguasuartarnej aammalu ikiuiguasuarnissamut upalungaarsimaneq pillugu paasisimasaqanngissuseq akiorniarlugu, taamaakkaluartorli nutarterneqaaqqaartariaqarput nassiuteqqinnissaat pissusissamisoortumik isigineqarsinnaassappat. Ilaqutariiusutsimut Pisorta qarfiup soorunami sulissutiginiarpaa tamassuma piaartumik pinissaa innuttaasunut sakkortuumik nalaataqarsimasunut ikiuiguasuarnissap inniminnerutiginnissaa pisariaqalissappat oqartussaasut tamarmik pilertortumik sukumiisumillu iliuseqarsinnaaqullugit.

Naalackersuisunut apeqqutit pingajuat: Misilittakkat ilisimalikkallu sorliit Naalackersuisunit ineriartortinneqarsimappat ukiut kingulliit ingerlanerini meeqqanik kinguaassiutitigut atornerluinerit annertuut qulaajarnerisa kingorna?

Akissut:

Meeqqanik atornerluisimanernut annertuunut tunngatillugu ikiuiguasuarnissamut Naalackersuisut misilittagaqarpallaanngillat. Tassani misilittakkat amerlanerit Aasiaat Kommuniannut tunngasuupput 80'kkunni atornerluisarnernit misilittakkanik katersisimammat taamaalillunilu sammineqartoq pillugu paasisitsiniaasarnernut, ataatsimeersuartitsisarnerit assigisaannillu immersueqataasarsimalluni. Taamaatumik Ilaqutariinnermut Pisorta qarfiup meeqqanik atornerluisoqarsimatillugu inuit ikiuiguasuartarnermi suliamikkut annertuumik paasisimasallit misilittagallillu iluaqutiginiartarpai.

Tassa Naalackersuisut ilisimaarivaat inuit suliatigut paasisimaarinnittut atornissaasa qanoq pingaaruteqassasusiat meeqqanik atornerluisoqarsimatillugu ikiuiguasuartoqassagaanngat. Peqatigitillugu aammattaaq pingaaruteqarpoq pisup ingerlanerani sapinngisamik piaartumik suliniuteqarnissaq ikiuinissaq annertunerpaaamik sunniuteqarsinnaaqullugu. Naalackersuisut ilisimavaat ullumikkut aaqqisuussinnermut tunngatillugu ajornartorsiutinik ataasiakkaanik peqarmat ikiuiguasuarnissaq qitiusumiit aquneqartarluni sulisussat avataaneersut akilernerisigut. Pingaartumik pisut ilaanni ikiuisussat pilertortumik aallartinnissaat ajornakusoortasimavoq.

Taamaatumik Naalackersuisut ikiuiguasuartarnerup allatut aaqqissuutilersaarpaat imaalillugu ikiuiguasuarnissamut aningaasanut inatsimmi konto 30.14.17 killilimmik aningaasartallimmut taarsiullugu psykologit marluk saniatigut atorfinitsinneqassasut Ilaqutariinnermut Pisorta qarfimmi inissisimatillugit. Piffissaq suliffiusussaq tamaat ikiuiguasuarnissamut naleqqussakkamik atorfeqartitsinikkut Naalackersuisut neriutigaat kommunit pinasuartumik ikiuiguasuarnissamik atorfissaqartitsilersut pitsaernerusumik kiffartuunneqarsinnaalissasut. Ikiuiguasuartarnej psykologinik suleqatigiissunik aalajangersimasunik isumalluuteqalerpat pilertornerusumik ikiuiguasuartoqarsinnaalissaaq, soorluttaaq suliassamut paasisimaarinninneq ajornannginnerusumik katiterneqarsinnaalissaaq suleriaaserlu taamatut periaasilik pigiinnarneqarsinnaalissalluni. Siunertaavoq ikiuiguasuareernerni tamani naammassineqareersuni psykologit nalunaarusiortassasut soorluttaaq ikiuiguasuartarnej pillugu ukiumoortumik nalunaarusiortoqartassasoq. Paasissutissat atorneqassaput Kalaallit Nunaanni kommuninut ikiuiguasuartarnerup annertussusiata nalunaars-

ortarnissaannut kiisalu ikiuigasuarmissamut aningaasassat ataavartumik naleqqus-sartarnissaannut.

Naggasiutigalugu oqaatigineqassaaq AIS 2006 aatsaat akuersissutigineqareerpat meeqqanik atorneerluinernut annertunerusunut tunngatillugu ikiuigasuarmissaq ajornarunnaarsimammat.

Ikinngutinnersumik inuulluaqqusillunga

Aleqa Hammond
Ilaqutariinnermut Inatsisinillu atortitsinnermut Naalakkersuisoq